

आकाशवाणी

खबरां शगुफ्ता चौधरी कोला

1. श्रीमति रेखा गुप्ता होर अज्ज नमी दिल्ली दे प्रतिष्ठित राम लीला मैदान च दिल्ली दे मुखमंत्रि दे तौरा पर संगंध लैडन।
2. उत्तराखंड मंत्रिमंडल नै लोकें गी बड़ी मती जमीन खरीने लेई रोकने आस्तै इक सख्त जिमी सरबंधी कनून गी मंजूरी दिती ऐ।
3. विदेश मंत्री डॉ. एस जयशंकर होर जी-20 विदेश मंत्रियें दी बैठक च हिस्सा लैने लेई अज्जै थमां दक्खन अफ्रीका जोहानास्वर्ग लेई रवाना होडन।
4. पुडुचेरी सरकारै आखेआ ऐ जे अंगदान करने आहलें गी उन्दे जीवन रक्षक योगदान दे सम्मान दे तौरा पर राजकीय सम्मान दिता जाग।
5. आई.सी.सी चैंपियन्स ट्राफी च कराची च खेड्ढे गेदे मैच च कल न्यूजीलैंड नै पाकिस्तान गी हराई दिता ते अज्ज भारत दा मुकाबला बंगलादेश कन्नै होग।
6. एफ.आई.एच प्रो. हॉकी लीग च कल रातीं भुवनेश्वर दे कलिंगा स्टेडियम च भारतीय मर्दे दी टीम नै मौजूदा विश्व चैंपियन जर्मनी गी 1-0 कन्नै हराया।

<><><><><><>

Delhi CM

श्रीमती रेखा गुप्ता होर अज्ज दिल्ली दी नमी मुख्यमंत्री दे तौरा पर संगंध लैडन। कल नमी दिल्ली च दिल्ली भाजपा विधायक दल दी बैठक मगरा नमें मुखमंत्रि दे तौरा पर उन्दे नां दी घोषणा कीती गई। रेखा गुप्ता होरें उपराज्यपाल विनय कुमार सक्सेना हुन्दे कन्नै मलाटी कीती ते नमी सरकार बनाने दा दावा पेश कीता। सक्सेना होरें दावा स्वीकार करदे होई उनें गी नमी सरकार बनाने आस्तै साद्दा दिता। उपराज्यपाल होर अज्ज दौहरी 12 बजिए 35 मिनट पर उनेंगी औहदे ते राजदारी दी संगंध दौआडन। प्रधानमंत्री नरेंद्र मोदी, गृह मंत्री अमित शाह ते रक्षा मंत्री राजनाथ सिंह हुंदे बी इस

समारोह च शामिल होने दी मेद ऐ। इस कार्यक्रम लेई कोई करीब 20 राज्यें दे मुखमंत्रियें ते उा मुखमंत्रियें गी बी साददा दिता गेदा ऐ। रेखा गुप्ता ाहली बारी विधायक बनियां न। उने शालीमार बाग विधानसभा सीट सोयां चुनाव जितेआ। रेखा गुप्ता होर दिल्ली दे प्रतिष्ठित रामलीला मैदान च मुखमंत्री औहदे दी शगंध लैडन।

<><><><><><>

BJP-Delhi

दिल्ली दे अगले मुखमंत्री दे तौर ार रेखा गुप्ता हुन्दे नां दी घोषणा मगरा गृह मंत्री अमित शाह ते होरनें केंद्रीय मंत्रियें सनें केंई भाजपा नेताएं उनें गी बधाई दिती ऐ। गृह मंत्री अमित शाह होरें सोशल मीडिया पोस्ट च उनें गी बधाई दिन्दे होई आखेआ जे उनें गी रेखा गुप्ता हुन्दे ार पूरा भरोसा ऐ। उने आखेआ जे प्रधानमंत्री नरेन्द्र मोदी हुन्दे आस्सेआ दिल्ली गी दुनिया दी शीर्ष राजधानियें चां इक बनाने दे संकलप दी सिद्धि तकर ाजाने आस्तै दिल्ली च भाजपा दी नमी मुखमंत्री समर्पण भाव कन्नै कम्म करडन। दिल्ली दी निवर्तमान मुख्यमंत्री आतिशी ते आम आदमी पार्टी दे राष्ट्रीय संयोजक अरविंद केजरीवाल होरें भारतीय जनता पार्टी दी नेता रेखा गुप्ता होरें गी नमे मुखमंत्री चुने जाने ार बधाई दिता ऐ ते मेद जताई ऐ जे ओह चुनाव प्रचार दौरान कीते गेदे सारे वादें गी पूरा करडन। सुषमा स्वराज, शीला दीक्षित ते आतिशी हुन्दे मगरा रेखा गुप्ता दिल्ली दी चौथी महिला मुखमंत्री होडन।

<><><><><><>

Uttarakhand-Land

उत्तराखंड राज्य मंत्रिमंडल नै लोकें गी बड़ी मती जमीन खरीदने थमां रोकने लेई इक सख्त जिमीं सरबंधी कनून गी मंजूरी दिती ऐ। कैबिनेट दे फैसले दे तुरत मगरा मुखमंत्री पुष्कर सिंह धामी नै सोशल मीडिया ार इक पोस्ट च आखेआ जे राज्य दे लोकें दी मते समें थमां चली आवा करदी मंग ते उंदी भावनाएं दा पूरा सम्मान करदे होई कैबिनेट नै इस कनून गी मंजूरी देई दिती ऐ।

<><><><><><>

EAM

विदेश मंत्री डॉ. एस. जयशंकर दो दिन दी यात्रा ार अज्ज दक्खण अफ्रीका दे जोहान्सबर्ग लेई रवाना होडन। ओह उत्थे जी20 विदेश मंत्रियें दी बैठक च हिस्सा लैडन। डॉक्टर जयशंकर दक्खण अफ्रीका दे अंतर्राष्ट्रीय सरबंध ते सहयोग मंत्री रोनाल्ड लामोला हुन्दे साददे ार एह दौरा करा र दे न। विदेश मंत्री हुन्दी इस यात्रा राएं जी20 देशें कन्नै भारत दी हिस्सेदारी मजबूत होग ते इस महत्वपूर्ण मंच ार

ग्लोबल साउथ दी आवाज गी बल थहोग। जी20 देशें दे विदेश मंत्रियें दी बैठक दौरान डॉ. जयशंकर किश दक्खी बैठकां भी करी सकदे न।

<><><><><><>

Labour-G 20 EWG Meeting

श्रम ते रोजगार मैहकमे दी सचिव सुमिता डावरा होरें दक्खन अफ्रीका दी अध्यक्षता तैहत जी-20 रोजगार कार्य समूह यानि इम्प्लायमेंट वर्किंग ग्रुप दी बैठक च भारतीय प्रतिनिधिमंडल दी अगुवाई कीती जेड़ी मंगलवारें दक्खन अफ्रीका दे पोर्ट इलिजाबेथ च शुरू होई ही। बैठक दौरान सचिव होरें रोजगार पैदा करने, श्रम बजा च लचीलापन ते बक्ख-बक्ख पैमाने उपर समाजी सुरक्षा दे मकसद कन्नै भारत दे बड्डे सुधारें उपर लो पाई। उनें 30 करोड़ शा मते असंगठित कम्मगारें गी इंजीकृत करने आहले ई-श्रम पोर्टल दी सफलता कन्नै ई.एस.आई.सी ते ई.पी.एफ.ओ योजनाएं दे महत्व पर जोर भरेआ।

<><><><><><>

PM-Soul

प्रधानमंत्री नरेंद्र मोदी 21 फरवरी गी नमी दिल्ली दे भारत मंडपम च SOUL लीडरशिप कॉन्क्लेव दे पहले संस्करण दा उद्घाटन करडन। भूटान दे प्रधानमंत्री दाशो शेरिंग तोबगे मुख अतिथि दे तौर पर मुख भाषण देडन। दो दिन दा SOUL लीडरशिप कॉन्क्लेव इक प्रमुख मंच दे तौर पर कम्म करौंग, जित्थे राजनीति, खेड, कला ते मीडिया, आध्यात्मिक दुनिया, सार्वजनिक नीति, व्यवसाय ते सामाजिक क्षेत्र जनेह विविध क्षेत्रें दे नेता अपनी प्रेरक जीवन यात्राएं दे तजुर्बे सांझे करडन। एहदे नै उंदिएं कामयाबिएं, उपलब्धिएं, नाकामिएं-गलतिएं सोयां सिक्खने दा मौका थहोग ते कन्नै युवा दर्शकें गी प्रेरणा मिलौग।

<><><><><><>

Puducherry-Organ

पुदुचेरी सरकारें आखेआ ऐ जे अंगदान करने आहलें गी उंदे जीवन रक्षक योगदान दे सम्मान दे तौर पर राजकीय सम्मान दिता जाग। इस पहल गी लागू करने आस्तै दिशा-निर्देश तैयार कीते गेन। सरकारें अस्पतालें गी निर्देश दिता ऐ जे ओह ब्रेन डेड मामलें बारें फौरी जिला कलेक्टरें ते खेतरीय प्रशासकें गी जानकारी देयै। नमें दिशा-निर्देशें मूजब डी.सी ते खेतरीय प्रशासक अंगदान करने आहलें दे

घर जाइए उनेगी सम्मानित करंगन। एहदे अलावा गणतंत्र दिवस ते आजादी आहले ध्याड़े जनेह मौके पर उपराज्यपाल जां मुखमंत्रि अंगदान करने आहले दे परौरां गी साद्दा देंगन ते उनेगी सार्वजनिक तौर पर सम्मानित करंगन।

<><><><><><>

ICC

आईसीसी चैंपियंस ट्रॉफी दे 9में संस्करण दी शुरुआत च गै न्यूजीलैंड नै कल राती कराची च खेडे गेदे मैच च पाकिस्तान 60 रन कन्ने हराई दिता ऐ। टॉस जीतिऐ पैहले गेंदबाजी करदे होई पाकिस्तान गी न्यूजीलैंड दी टीम गी रोकने आस्तै संघर्ष करना पैआ, जिने 50 ओवरें च 5 विकेट पर 320 रन बनाए। जवाब च पाकिस्तान दी टीम 47 ओवर 2 गेंद च 260 रन पर गै सिमटी गई। रोहित शर्मा दी अगुवाई च भारतीय टीम दा मुकाबला अज्ज दोपहरी दुबई इंटरनेशनल स्टेडियम च बांग्लादेश कन्ने होग। मैच भारतीय समें मूजब दोपहरी ढाई बजे शुरू होग।

<><><><><><>

FIH-Pro Hockey

एफ.आई.एच प्रो. हॉकी लीग च भारतीय मर्दे दी टीम नै कल राती भुवनेश्वर दे कालिंगा स्टेडियम च मौजूदा विश्व चैंपियन जर्मनी गी 1-0 कन्ने हराया। मंगलवारें जर्मनी थमां 4-1 कन्ने हारने दे मगरा कप्तान हरमनप्रीत सिंह दी अगुवाई च भारती रक्षांकित नै शानदार प्रदर्शन कीता। मैच च इक गोल भारत दे गुरजंत सिंह नै कीता। जदके अमित रोहिदास गी मैच दा सर्वश्रेष्ठ च खलाड़ी घोषित कीता गेआ। भारत दा मुकाबला कल आयरलैंड कन्ने होग। एह मैच शामी साइडे 7 बजे शुरू होग। इससे दौरान महिला एफ.आई.एच प्रो लीग च स्पेन नै भारत गी 1-0 कन्ने हराई दिता। स्पेन दी कप्तान मार्टा सेगू बेक नै 49में मिनट च इक गोल कीता। टूर्नामेंट च स्पेन दी एह लगातार चौथी जित ऐ।

<><><><><><>

Table-Tennis

टेबल टेनिस च भारत दी श्रीजा अकुला नै कल चीन दे शेनझन च एशियाई का टूर्नामेंट दे पैहले रोज जित हासल कीती। श्रीजा नै महिला सिंगल्स गुण मैच च कतर दी अइया मोहम्मद गी 3-0 कन्ने

हराया। अज्ज दुए गृण मैच श्रीजा दा मुकाबला विश्व दे पैहले नंबर दी खलाड़ी चीन दी सुन यिंगग्शा कन्नै होग।

<><><><><><>

Asia-Dialouge

9मी एशिया आर्थिक वार्ता अज्जे थवा महाराष्ट्र दे पुणे च आयोजित कीती जा र दी ऐ। एशिया आर्थिक वार्ता भू-अर्थशास्त्र ँर विदेश मंत्रालय दे प्रमुख कार्यक्रम 'ट्रैक 1.5 वार्ता' दा हिस्सा ऐ। त्रै दिन दा एह कार्यक्रम पुणे इंटरनेशनल सेंटर दे सहयोग कन्नै कीता जा र दा । गल्लबात दा विशे विखंडन दे युग च आर्थिक लचीलापन ते पुनरुत्थानरखेआ गेआ ऐ। इस गल्ला च भू-अर्थशास्त्र दे प्रमुख समसामयिक विषे ँर चर्चा कीती जाग। जिन्दे च आर्टिफिशियल इंटेलिजेंस ते ऑटोमेशन, साइबर सुरक्षा दी आर्थिक जरूरते ते हिंद महासागर क्षेत्र ते ब्लू इकोनॉमी दे पैहलू शामिल न। बैठक दा उद्देश्य आर्थिक विखंडन दी जटिलताएं दी दूर करना ते लचीलेपन ते पुनरुत्थान दे तरीके दी ँन्छान करना भी ऐ। एशिया आर्थिक गल्लबात 2025 च देश-विदेश दे राजनीतिक नेता, वरिष्ठ सरकारी अधिकारी, शिक्षाविद, नीति निर्माता ते उद्योग विशेषज्ञ किट्ठे मिलिए विचार-विमर्श करडन।

<><><><><><>